

茶餘客話

茶餘客話

商務印書館
印行

茶餘客話題詞

吳江楊復吉

凜冽西風雪作冰
衡門匏繫望觚稜
一編入手雙眸豁
別盡寒窗五夜燈
幾載長安碾轍環
素心攸記著名山
蒐羅都付如椽筆
思在夷堅雜俎間
史才學識擅三長
珥筆端宜入玉堂
會見洛陽會紙貴
行間薰得馬班香
訪古常停問字車
生平癖嗜在虞初
漁洋而後君其續
苦吮霜豪讀素書

跋

己亥夏余與司寇吾山先生同膺司諫之選先後入臺過從無間每春朝講集酒邊談論言往行聽者忘還固未知其有所著述也嗣讀行述有茶餘客話之輯王少林太守亟稱其書今夏從方浦大兄借觀其記前型搜逸事考證典物多有未經人道爲說部諸家所不及者爲選十二卷梓行是書成于辛卯之前故云文淵閣無其地本朝尙無三元癸巳建閣以及辛丑錢修撰榮及第亦未補錄知此稿固未成之書也且卷中深以正閣日淺不及徧觀庫藏典冊爲歉昔余科垣夜直恆秉燭繙史錄書盈尺竊與先生有同嗜曾于先生所撰刑部典試題名二書多所校正惜公早騎箕不及參訂客話全書不無遺憾顧方浦負荷念切行將與七錄齋詩文全集合刻流傳嘉惠藝林更樂得而觀厥成焉甲寅上元烏程戴璐跋

先司寇束髮受書卽耽吟咏於書無所不讀所著詩文集如千卷藏于家中歲以後又入直綸閣歷卿垣僦居長安藏書最富手不停披殫心著述與一時賢士大夫遊賓客過從煮茗劇談靡間寒暑凡所得于載籍以逮

聞見所及輒誌之積二十年成茶餘客話三十卷所記
自經史及國朝典故淮陰事蹟下及書畫禽魚之類靡
不講貫精核獨出己見論斷而折衷之己酉捐館後謹
錄收藏版行匪易中心竊負疚焉奉常菴塘先生爲先
司寇臺選同年交好無間今春索閱此書詳加校正欲
公同好先選十二卷仿畢昇活字板印行餘卷仍謹藏
以待再梓琦愧不能讀父書幸先生精鑒流傳事先司
寇賴以不朽而先生敦情古處以及洽溉士林之誼亦
足以風世矣爰敬跋于後癸丑小除男鍾琦謹識

茶餘客話目錄

卷一

君臣壽考

楮窗圖

張湘曉訓子書

拙政園之盛衰

子平奇驗

春聯

淺語有味

張照左手書

贈徐乾學聯

贈徐仲山聯

贈王文簡聯

贈高江村詩

勵文恪子孫科第之盛

吟詩寫字之敏捷

嘲謀學差

嘲求薦鴻博

田山薑

紅橋倡和詩

入相之早

大臣愛才

儒臣賜第

張文端養心法

尤西堂自營生壙

高念東作詩之敏捷

萬錢同修明史

馬章民時藝

長生殿傳奇

關禁屠祈雨之謬說

王文貞極人爵之榮

吳梅村晚年得子

朝鮮使臣題三家詞

徐立齋得孟子三樂之一

韓慕廬推重朱竹垞

絕好宋詩

葉訕菴行步如乃字

計東陳其年性情各異

史閣部後嗣

霍程之任俠

薺菜孟嘗君

朱竹垞詠史詩

卷二

內閣大庫

大學士加殿閣銜之歷史

中書入閣觀書

皇史宬

京官前後輩禮數之嚴

翰林稱謂變遷三則

辦事翰林

迭掌文衡

科名盛事

對策不合體制

科目得人之盛

胡稚威齊次風俱中副車

同考房運盛衰

重赴鹿鳴

各省會試中式人數

館選額數無定

鄉會試副榜源流

徐文敬逸事

狀元宰相之難

文字遇合之奇

翰林稱謂變遷

告身文字

卷三

長安舊舊

人才月旦

場屋元燈

胡天遊爲聲氣所累

記扶乩二則

顧棟高彈精經學

春和園之命意

古人同姓名錄

古人不經見之名字

謝莊名子

老泉非老蘇號

傳名之奴婢

事物異名

蟬蟻祠聯

李穆堂持論之偏

迦陵填詞圖卷題詠

張南華吟詩之敏捷

前人選詩文集之慎重

酒人巨量

沈端恪逸事

詠在館庶常

科名得失有定

嘲京官

卷四

順康朝大臣體制

女媧爲女像之異說

日者推算神運

于墳祈夢之靈驗

謙語成識

宦途夢境

狐戲客人

馬提督晚節

異鳥

趙廣文爲金華將軍所戲

梁學博遇術士

齊召南一生三夢

龍泉連遇仙

京師宴席重鹿尾

名流疏於韻學

收拾詩材之法

詩見性情

狀元宰相語

文人好名

毛西河妄議杜甫早朝詩

考場題壁詩

詠風爲詩優劣

著書體例必有所本

徧投名刺之濫觴

紙價貴賤不同

揭帖

聯語彙志

荒村

卷五

汪顧不薄今人

毛西河引經之不足據

奉齋茹素之謬

計年讀經

五經中人物

古文名篇

志銘體例

月忌謬說

暑景圖之制度

彙志古人開佛文

鬼神作祟

僧道不必沙汰

山谷名言

閒中清福

傅青主醫術

授讀行醫之害人

著述不宜用奇字僻典

燕玉暖老

飲食衛生法

名人健啖

吳俗好尙

卷六

唐宋詩人第行

避名示敬

秦大士改別號

帝王別號

徐鄰哉更名

桃源驛題壁詩

沈曹金陵懷古詩優劣

王漁洋寄宋商邱詩之用意

寺名集名之奇

坊刻時文原始

制義行遠集

士與士師之別

老儒專心制義

爭南北中卷

舉業家之陋

八宗師考卷選

葉奕繩強記法

傳是樓書目

司書有鬼

藏書攷

刻書考

狀元書法

畏作楷書

南書房寫本十三經

畫家成名之難易

繪畫供奉內廷

畫家別派

故事可入詩畫

名手畫時有利鈍

三刺濫觴

夢中示禍

舉人出路

篋庫人勢利

卷七

通政司無司屬

大小九卿說各不同

官名從古稱之謬誤

紫禁城騎馬之制

吳梅村葺城行

范忠貞遇害

徐俟齋之高蹈

李琳枝之風厲

林茂之之清貧

宋文恪善擇壻

汪堯峯性情忤急

文人習氣

陳午亭作六公贊

名人臨終吟詩

魏敏果能薦賢

重師誼

王相國假歸後逸事

湯文正撫吳政績

張文端恩遇

魚塞漏舟

高層雲奏免議政大臣跪見親王

潘次耕之學行

朱竹垞書慰譚左羽

李湘北薦賢

蔣文肅父子恩遇

李安溪密謀平臺灣

方靈臯兩朝聖恩記

朱文端知政體

臨終吟詩

卷八

相士之謬

學圃聽歌詩

衙門外之攬衆

除官氣

骨重羊

火浣布

雞索

記筆三則

朱碧山銀槎

記扇

納蘭侍衛之風趣

犬救主人

是鏡之詭詐

秦氏弟兄多壽

詩人福命之不同

紅豆

因禍得福

力阻開礦

豐臺花事

京城古樹

張南垣父子善疊假山

都門瑣記

卷九

吳雲襄爲九華山僧轉世

玉岑夫人

黃莘田篤於師生之誼

詠煙詩

燕窩

煮熊掌法

江鄉風物

北地葡萄

吃檳榔惡習

非時菜果

貂狐之種類

物類相制

詠絡緯

物類相感

蜂蜜之神妙

中國用糖之始

卷十

記名磁

陽羨名陶錄

一藝成名

物異名

茗飲源流

品酒

酒祀典

杯觀之始

飲酒戒惡習

猜枚

評酒評詩

四書酒令

事物原始

取燈發燭

靠背別名

虎子

使篙張帆

卷十一

楊克一詩畫

龔高士畫之名貴

龔高士墨鍾馗

龔高士女

楊元城山居新話

葉公還金記

李陽冰祠碑之神異

復仇義憤

楊靖碎珠有四善

劉美人簪花樓

張懿簡自警銘

嘉靖三狀元之異

范攄獲盜

勢利婚姻之惡果

老少同榜異夢

夏塗山逸事

淮屋詩

王雷臣晚年信佛

嘲楊維垣

劉孔和爲劉澤清所害

劉文炤詩

楊太常琴

王漁洋賞識張虞山詩

吳嵩三學陶靖節

張性符箸述

顧亭林音學五書之精審

王漁洋徐健菴推重張力臣

卷十二

陳邱兩家年世誼

靳周二子

潘雪帆

馬西樵說詩

達官受窘於名士

望社大會淮上

艾東鄉賞識吳太清

星命家謬說

嵇叔子

金道洲答鈕玉樵書

援引孟說之謬

高孝子望親廬圖

同時兩金章

辨物志已逸

文人別號

李吉爻大度

劉六皆篤於友誼

閻潛邱遺書

黃梨洲遺書

卞氏園枯枝牡丹

朱定元因禍得福

翺梧豪舉

元立上人求父骨歸葬

術數之奇

御製寶玉詩

吳山夫輯山陽耆舊詩

楊幼臯爲盲女演彈詞

陳東巖雅量

紀淮上園亭

茶餘客話卷一

清 山陽阮葵生吾山著

君臣壽考

康熙辛丑元旦早朝禮畢同赴內廷獻壽大學士馬公齊以下十四人時大學士王公頊齡年八十松公柱蕭公永藻王公揆張公鵬翮田大司農從典皆七十以上馬公及貝大宗伯和諾孫大司馬柱賴大司寇都陳大司空元龍黨總憲阿賴年皆七十蔡大宗伯升元張大司寇廷樞年六十八上有壽考之君下多平格之臣廣拜一堂千古佳話。

楮窗圖

內閣北牆下有楮樹一株陳文貞廷敬愛之公事畢移書案坐其下焚香啜茗召中翰分札咏詩以爲常復命鴻臚序班禹之鼎繪卷曰楮窗圖公賦詩中翰皆和之

張湘曉訓子書

國初乙酉江南解元張湘曉九徵視學河南乞歸康熙十七年舉博學鴻儒冢宰郝恭定惟訥薦之貽友人詩云少不如人何况老身將終隱又焉文又遣懷云虛名空好羊

公鶴肥遯深漸梁伯鸞京雒少年爭獻賦伏生接武賈生難人以此知公不出山矣子文貞公玉書性淡泊從不肉食日粗糲一盂或山藥少許官庶子爲明史總裁湘曉貽書戒之曰此非養身之道食不厭精汝未讀鄉黨耶退直後宜靜坐片刻養身節勞勿以膏自焚也古樂府殺君馬者路旁兒謂竭馬之力以娛道旁耳目吾慮汝之馬力竭矣文貞聞命悚然加一餐焉

拙政園之盛衰

陳海昌之遴薦吳梅村祭酒至京蓋將虛左以待比至海昌已敗盡室遷謫塞外梅村作拙政園山茶歌感慨惋惜蓋有不能明言之情園在蘇州婁齊二門之間嘉靖中王御史獻臣因大宏寺遺址營別墅以自託潘岳拙者之爲政也文待詔圖記以志其勝後其子以擣捕一擲償里中徐氏國初海昌得之復加修飾珠簾甲帳烜赫一時中有寶珠山茶三四株交枝連理鉅麗鮮妍詩中所謂豔如天孫織雲錦頰如姹女燒丹砂吐如珊瑚綴火齊映如蟬螭凌朝霞是也然主人身居政府十載未歸圖繪詠歌目未睹園中一樹一石及窮老投荒穹廬絕域黃榆白草父子榮戟而此園已籍沒縣官爲駐防將軍得矣既爲吳逆壻

王永寧所有。益復崇高雕鏤。備極華侈。演黔作逆。永寧懼而先死。康熙十七年。改爲蘇松道署。缺裁。散爲民居。其梓楠城。皆輸京師供將作。陳其年維崧詩云。此地多年沒縣官。我因官去暫盤桓。堆來馬矢齊粧閣。學得驢鳴倚畫闌。盛衰之際。良足感也。

子平奇驗

德清蔡翁。精子平之學。一日史胄司夔過訪。蔡告以南中生一孫。推其命頗富厚。若遲一時則大貴。史叩其日時。大驚曰。予今歲得子。正其日月時也。蔡曰。此兒必入閣。卽今文靖公貽直也。京師傳爲佳話。康熙辛酉。胄司攜眷入都。泊舟水驛。生子。家人往來岸上。聞一鐵工家亦生一子。問其時正相同。歸告胄司。心識之。字之曰鐵厓。後二十餘載。文靖已官清禁。胄司南歸。復經其地。欲驗舊事。親行訪之。則門宇如故。一少年持斤斧操作甚勤。問之則辛酉某日生者也。公歸。竟夕不寐。旣乃悟。語客曰。此四柱中惟火太盛。惜少水制。幸生舟中。得水氣補其缺。若生於鎔冶之地。則以火濟火。全無調劑矣。

春聯

憲廟賜張文和廷玉春聯曰。天恩春浩蕩。文治日光華。張

氏歲歲貼之。後京官家度歲。易桃符。強半書此二語。近日比戶皆然。

淺語有味

王文簡士禎酒次。戲拈絕句。灤鮑黃羊滿玉盤。菜鷄紫蟹等閒看。不如隨分閒茶飯。春韭秋菘未是難。又舉東坡一詩云。秋來霜露滿東園。蘆荻生兒芥有孫。我與何曾同一飽。不知何苦食鷄豚。曾記陳文勤世倅煮粥詩云。煮飯何如煮粥強。好同兒女細商量。一升可作三升用。兩日堪爲六日糧。有客只須添水火。無錢不必作羹湯。莫嫌淡泊少滋味。淡泊之中滋味長。淺語有味。己丑夏日。禾中魏松濤作喫粥詩。予和之云。香子酪乳膩于茶。一味和融潤齒牙。惜米不妨搗菜豆。佐餐少許抹鹽瓜。

張照左手書

張涇南司寇照。墜馬傷右臂。幾折。時方進呈落葉倡和詩。遂用左手書楷。凝厚蘊藉。無一筆呆滯。真造化手也。張南華學士鵬翀贈詩云。驟馬天街一蹶中。險將折臂兆三公。翻身學士疑成瓦。擊掌仙人不是銅。漫笑莊生虛攫右。早誇杜老妙書空。斷碑半載渾難補。天遣重完賴國工。時得蒙古良醫。百日全愈。

贈徐乾學聯

徐東海乾學爲司寇時。人贈以聯云。萬方玉帛朝東海。一點丹誠向北辰。謝病歸。御書光芒萬丈四字。以寵其行。

贈徐仲山聯

徐仲山召試歸。益都馮文毅贈聯曰。北闕上書。識盡西京才子。東軒賜食。歸貽南國佳人。仲山夫人商氏。明冢宰等。軒幼女。後年八十。容貌如二三十歲好女。朝夕惟飲乳汁。猶耽花讀書不衰。

贈王文簡聯

殷彥來譽慶頌王文簡一聯云。天下文章。莫大乎是一時賢士。皆從其游。聞錢亮功名世游京師。除夕以聯送王文簡云。尙書天北斗。司寇魯東家。由是知名。後送權貴句云。分陝旌旗周太保。從天鐘鼓漢將軍。因之謫官。

贈高江村詩

康熙辛酉。高江村士奇。入直禁中。乙卯冬。設詹事府。補錄事。一日賦紀恩。有空對西風嘆二毛之句。是年三十三歲。上憐。賜御書秋興賦。丁巳冬。擢內閣中書。庚申夏。擢翰林院侍講。葉文敏方霽贈詩云。麻衣獻賦立彤墀。喜見龍頭一笑時。內府錦襦邀帝賜。天街官馬任君騎。侍臣盡識銀

鈎體。宮女爭吟璧月詩。自是九重稱特達。從來不藉魏無知。

勵文恪子孫科第之盛

三殿三門禁扁。勵文恪六十外。以恩貢給事史局。議敍四川州同。將之官。會殿門易額。史官翰林書皆不合式。人薦書扁。稱旨。授編修。至七十二歲。開坊。歷刑部侍郎。贈尙書。予諡。子文恭廷儀。強仕入詞館。十年不遷。洊陞刑部尙書。予諡。孫宗萬。十七歲入翰林。亦官刑部侍郎。

吟詩寫字之敏捷

馮益都文毅。博攜諸名士雪中遊善果寺。晚歸。取陳檢討其年詩。令毛西河奇齡和。一人倡韻。一人給寫。隨倡隨詠。信口占叶。不許停刻。亦絕伎也。同時如龔芝麓。司寇高念東。少宰。皆以捷敏見稱。毛西河自言爲文。每日可一萬字。爲詩。每日可一千句。陳其年言腹中尙有駢體文千餘篇。恨手不及寫耳。視宋仇萬頃未達時。挈牌賣詩。每首三十文。停筆磨墨。罰錢十五。不足數矣。趙松雪自言一日寫一萬字。夔子山自言一日能寫三萬字。以檢討之才。得平章之手。斯兩美合矣。

嘲謀學差

康熙辛卯壬辰間。京堂小九卿謀出學差。浼臺中疏參翰林部郎。不可出學差。一時造爲小說。有小京卿密謀翻大局。死御史賣本作生涯。老郎中掣空籤。望梅止渴。窮翰林開白口。畫餅充饑。四段見鄭寒村梁詩注。

嘲求薦鴻博

寒村二絕云。博學鴻儒本是名。寄聲詞客莫營營。比周休得尤臺省。門第還須怨父兄。補牘何因也動心。紛紛求薦竟如林。總然博得虛名色。袖裏應持念四金。此等語刻之詩集。殊爲不學。蓋一時延賞虛聲。及閱閱子弟之驚者。亦濫無不舉云。

田山薑

田山薑。未入翰林。弟需館選後。寄以詩云。此事亦尋常。于我獨無分。云先是裁推官改知縣。山薑就試中書第五。入署視事。遭同年翰林某侮辱。嘗嘆云。北門草制。始自乾符。內翰宣麻。號稱供奉。笑彼紛紛乳臭。標勝氣于眉稜。亦且截截謊言。誇清班于頰舌。又詩云。休言京兆除書近。搖落於今已六年。及試博學鴻詞。首先交卷。復被黜。題溫飛卿詩後云。一代才名乾牒子。八叉吟手亦徒然。不教詞賦陪雕鶚。空讀南華第二篇。未十年。官大鴻臚。巡撫江南。又

題陸賈傳云。坑焚滲漏笑強秦。劉氏功憑馬上臣。緣史武夫兩行隊。中間迂腐一詞人。此當有所指。陸在漢初。頗有文藻。新語外春秋後語南中行記感春引典語。文心雕龍載其目。是爲子虛上林之先聲也。

紅橋倡和詩

王漁洋司理揚州。譙遊紅橋詞云。北郭清溪一帶流。紅橋風物眼中秋。綠楊城郭是揚州。西望雷塘何處是。香魂零落使人愁。澹煙芳草舊迷樓。一時傳爲絕調。屬而和者遍江南北。以吾鄉邱季貞太史象隨爲最。清淺雷塘水不流。幾聲殘笛畫城秋。紅橋獨自倚揚州。五夜香消殘月夢。六宮釵落曉風愁。多情煙樹戀迷樓。

入相之早

李高陽文勤。丙戌進士。越十二年戊戌。由學士大拜。熊孝感文端。戊戌進士。越十七年乙卯。由學士大拜。高陽年三十四。孝感年四十一。此後惟蔣文恪溥五十歲大拜。

大臣愛才

王漁洋嘗言。李高陽之于曹頌嘉禾。梁正定之于汪蛟門。懋麟。馮益都之于陳舍人廣明玉堪。魏柏鄉之于董秀才。文友以寧。服膺贊嘆。不啻若自其口出。諸君皆及門士。而